



Rita Ludvigsen

Dykkar ref.:

Vår ref.:

21/146 - 5 / BFJ

Dato:

19.03.2021

Interkommunalt samarbeid PPT - framlegg til avtalesamarbeid

Syner til samtalar og førespurnad om mogleg interkommunalt samarbeid knytta til PP-tenesta.

Austrheim kommune er svært positiv til eit framtidig interkommunalt samarbeid knytta til PP-tenesta. I dag server vi kommunane Austrheim og Fedje med PP-tenester.

Austrheim PPT har i dag 3,1 stilling. PP-tenesta dekkjer system og individretta tiltak i barnehage, skule og vaksenopplæring, samt logopedtenester knytta til helse.

I framlegget har vi laga eit kostnadsoverslag (slik at ein har eit estimat på kostnader), samt lagt ved eit framlegg til samarbeidsavtale.

I kostnadsoverslaget har vi teke utgangspunkt i styrking med ei fagstilling inn i PP-tenesta i tillegg til evt. logoped-stilling.

Austrheim/Fedje PPT	Ant årsverk
Leiar/spesialpedagog	1
Logoped/spesialpedagog	0,6
Psykolog	1
Merkantilt	0,5
Totalt ressursar	3,1

Gulen	1
Masfjorden	1
Totalt samla ressurs	5,1

I tillegg kjem evt. logoped-samarbeidsstilling

Her er det lagt til grunn Austrheim PP-teneste i dag, samt ei styrking dersom Gulen og Masfjorden knytter seg til tenesta.

Tidlegare leiar hadde logopedutdanning og handterte både vaksenopplæring, helse og elevar/born med behov for logoped. Vi har i dag 0,6 stilling som logoped. Kompetansen her går også mot språk, lesing etc og

har ikkje hatt vaksenopplæring og logopedoppgåver etter helse. Vedkomande har gjort og nytta logopedoppgåver inn mot skular og barnehagar og drive rettleiing mot tilsette.

Ein har også sett på eit evt interkommunalt samarbeid om logopedteneste som dekkjer heile feltet for kommunane Gulen, Masfjorden, Modalen, Fedje og Austrheim. Her er ikkje noko konkludert, men ein har lagt til grunn ei heil stilling, men i den samla bemanninga er det nok lite truleg at det blir behov for ein logoped i 100 % utover dei allereie 60 % som er i PP-tenesta.

Fedje har i dag ein avtale om 10 % ressurs som ligg i basisavtalen og tenester dei treng utover det, kjøper dei i tillegg. I dette ligg både individ og systemretta arbeid.

Grunnlag for kostnader ei fagstilling og PP-tenesta:

I fagstillinga har vi lagt til grunn full ansiennitet, samt evt. tillegg. I administrasjonskostnader, merkantil og del av fellesutgifter ligg alt knytta til reiseverksemd, kurs, opplæring og utvikling. Vi meiner at det skal dekkje dei reelle kostnadene. Det er lagt til grunn høgste ansiennitet og eventuelle tillegg. Det er nok ikkje sikkert få tilsett ein med full ansiennitet og med master, slik at lønskostnadene her vil mogleg verte lågare, men ikkje høgare. Ein har lagt dette til grunn, slik at kostnadene ikkje skal bli høgare enn det som er skissert i oversynet.

Ein må evt. etter eit år, evaluere og gjennomgå kostnader og evt justere. Avtalen dekkjer tenester innanfor PP-tenesta, både på individ og systemretta arbeid.

	Erfaring	Årsløn
Årsløn (master)	16 års	kr 670 000,00
inkl. evt.tillegg		
Kostnader pr år:		
Lønn fråtrekt feriepengar		kr 605 577,00
Feriepengar		kr 72 669,00
Arbeidsgjevaravgift lønn + ferie		kr 95 633,00
OTP (obligatorisk tenestepensjon)		kr 11 373,00
Arbeidsgjevaravgift OTP		kr 1 604,00
Yrkesskadeforsikring		kr 3 000,00
Total kostnad pr år		kr 789 856,00
Administrasjonskostnader 12 %		kr 94 782,72
Merkantil 5 %		kr 39 492,80
Del av fellesutgifter 2 %		kr 15 797,12
Totalt:		kr 939 928,64

Gulen/Masfjorden	
PPT-samarbeid inkl. Logopedteneste	
PPT - totalt	kr 939 928,64

Logoped (100 %)	kr 200 129,29	(Føresetnad 100 % logopedstilling mellom kommunane)
Totalt årlege kostnader:	kr 1 140 057,93	

Dei årlege kostnadene dekkjer PP-tenesta i skule, barnehage og evt. vaksenopplæringa. Inkl. ligg også deltaking i evt. møter etc.

Modellen som ligg til grunn i avtalen, vert samla ressursar rekna ut frå barne- og elevtal.

Logopedstilling

Ein har også sett på eit breiare samarbeid og utgreia ulike modellar for logoped samarbeid. Dei same føresetnadene ligg her også på lønskostnader der ein har teke høgde for full ansiennitet og master, men dette kan verte mindre. Ein har også lagt til grunn 100 % stilling, men den kan verte lågare. Det har ikkje vore drøfta kva modell ein eventuelt skal gå for i eit framtidig mogleg samarbeid, men Austrheim har sagt at vi kan vere vertskommune og knytta stillinga opp mot PP-tenesta vår. Dersom det ikkje skulle vere eit behov for utøvande logopedteneste, vil kommunane kunne nytte ressursen til førebyggjande arbeid og logopeden vil nyttast i PP-tenesta.

Grunnlag for logoped.

Logoped	100 %	
Årslønn (8 år)	kr 571 500,00	
Sosiale utgifter	kr 102 336,00	
Total lønnskostnader	kr 673 836,00	
Påslag adm.kost. 10 %	kr 67 383,60	Inkl. reisekostnader
Totale kostnader 100 %	kr 741 219,60	

	100 %	80 %	70 %	60 %	50 %
Logoped	kr 741 219,60	kr 592 975,68	kr 518 853,72	kr 444 731,76	kr 370 609,80

Innbyggjartal

Kommunar	Antal innby.	Fordeling %
Austrheim	2870	36,82
Fedje	548	7,03
Gulen	2297	29,47
Modalen	388	4,98
Masfjorden	1691	21,70
	7794	100

	100 %	80 %	70 %	60 %	50 %
Logoped	kr 741 219,60	kr 592 975,68	kr 518 853,72	kr 444 731,76	kr 370 609,80
Pr. innb.	kr 72,65	kr 53,63	kr 44,12	kr 34,61	kr 25,10

Ein legg til grunn innbyggjartal for kostnadsfordeling. Kostnaden er rekna ut frå kor mange prosent ein tilset logoped i.

Fordeling mellom kommunar (Fordelt kun på innbyggjartal)					Kostnader ut frå stillingsstorleik	
	Innbyggjartal	100 %	80 %	70 %	60 %	50 %
Austrheim	kr 272 940,76	kr 272 940,76	kr 218 352,60	kr 191 058,53	kr 163 764,45	kr 136 470,38
Fedje	kr 52 115,52	kr 52 115,52	kr 41 692,41	kr 36 480,86	kr 31 269,31	kr 26 057,76
Gulen	kr 218 447,71	kr 218 447,71	kr 174 758,16	kr 152 913,39	kr 131 068,62	kr 109 223,85
Modalen	kr 36 899,31	kr 36 899,31	kr 29 519,45	kr 25 829,52	kr 22 139,58	kr 18 449,65
Masfjorden	kr 160 816,31	kr 160 816,31	kr 128 653,05	kr 112 571,42	kr 96 489,79	kr 80 408,16
	kr 741 219,60	kr 741 219,60	kr 592 975,68	kr 518 853,72	kr 444 731,76	kr 370 609,80

Tenesteutvikling

Tenesta er stadig i utvikling og vi må levere gode tenester til det beste for brukarane. Det gjer at vi både må arbeide innovativt og digitalt for å få ei meir effektiv og god teneste. Gjennom det siste året når pandemien for alvor har prega samfunnet vårt, har det ført til ein kraftig endring i arbeidsmetode og ei sterkare digital kvardag. Dette gjer også at noko av arbeidet ikkje treng fysis frammøte, men rettleiing, konsultasjonar og møteverksemd kan gjennomførast digitalt. Det gjer at ein kan utnytte arbeidstid og arbeidskraft endå meir effektivt og det ikkje går for mykje tid i reise. Difor vert det vurdert i kva grad tenestene kan utførast gjennom digitale løysingar og kva som må gjennomførast ved fysiske møter. Når ein gjennomfører fysiske møter, vert det viktig at den tilsette kan nyta heile arbeidsdagen sin i den kommunen som ein skal utføre oppdraget på. Det gjer til at det også må vere mogleg for at kommunane har kontorfasilitetar el. som gjer at ein kan gjere kontoroppgåver utan å måtte returnere til Austrheim. Dette ser vi kan gjere tenesta og ressursane meir nyttig og effektivt. Pandemien har gjort at vi på kort tid har endra arbeidsmetodane og heile tida må tenkje innovativt i arbeidet vårt.

I avtalen ligg arbeidstid, reise etc. inklusiv i kostnadene for tenesta.

Vi vonar dette kan vere av interesse og at vi kan få til eit godt tenestesamarbeid frametter. Skulle det vere aktuelt, vil vi gjerne gå i meir forpliktande samtalar med dykk og vonar vi kan etablere ei god PPT for kommunane.

Med helsing

Bjørnar Fjellhaug
konstituert rådmann

Dette dokumentet er elektronisk godkjent og har difor ingen signatur

Vedlegg:

Framlegg til Samarbeidsavtale Fensfjorden PPT 2021 rev. 19.03

Mottakere:

Halvor Elde

Rita Ludvigsen